



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 412
fax. +387 33 726 414
e – mail: info@voda.ba

Broj: **UP-I/25-2-40-358-2/20**

Datum: **02.09.2020. god.**

«Agencija za vodno područje rijeke Save» rješavajući po zahtjevu pravnog lica, JP Autoceste Federacije BiH d.o.o. Mostar za izdavanje vodne saglasnosti na dostavljenu projektnu dokumentaciju za izgradnju spojne saobraćajnice od naplatnog mjesta do spoja na magistralnu cestu M-17, na nivou Glavnog projekta, urađenu od strane pravnog lica „Saraj Inženjering“ d.o.o. Sarajevo, na osnovu člana 109. stav (1) tačke 2. i 9. Zakona o vodama («Službene novine Federacije BiH» broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 48/99), **d o n o s i**

R J E Š E N J E **o vodnoj saglasnosti**

1. Pravnom licu, JP Autoceste Federacije BiH d.o.o. Mostar daje se vodna saglasnost na projektnu dokumentaciju urađenu od strane pravnog lica „Saraj Inženjering“ d.o.o. Sarajevo, za izgradnju spojne saobraćajnice od naplatnog mjesta do spoja na magistralnu cestu M-17 – FAZA II:
 - Građevinski projekat lokalne saobraćajnice – knjiga B 1011, tekstualni dio, novembar 2020. godine;
 - Građevinski projekat lokalne saobraćajnice – knjiga B 1011, grafički dio, novembar 2020. godine.
2. Vodna saglasnost se daje na osnovu utvrđenog činjeničnog stanja i pregleda investiciono-tehničke dokumentacije iz tačke 1. dispozitiva ovog Rješenja, koja se ovjerena vraća podnosiocu zahtjeva na trajno čuvanje i čini sastavni dio ovog Rješenja, a ista će se koristiti u postupku pribavljanja odobrenja za građenje.
3. Ovo Rješenje ne oslobađa podnosioca zahtjeva obaveze pribavljanja saglasnosti i dozvola od drugih nadležnih organa, a sve u skladu sa važećim zakonskim propisima, odlukama, uredbama i dr.
4. Vodna saglasnost se daje pod sljedećim uslovima:
 - 4.1. Radove na izgradnji objekata za prikupljanje, tretman i ispuštanje oborinskih i otpadnih voda na predmetnoj trasi izvesti u skladu sa ovjerenom projektnom dokumentacijom iz tačke 1. ovog Rješenja.
 - 4.2. Investitor je obavezan nakon završetka radova uraditi integralni projekat odvodnje izvedenog stanja sa potrebnim priložima i riješenim detaljima, priključne saobraćajnice grada Zenica na autocestu na Koridoru Vc (Faza 1, 2 i 3.).
 - 4.3. Tehnologiju izvođenja radova prilagoditi uslovima na terenu uz odgovarajuća osiguranja ljudi i materijalnih dobara. Tokom izvođenja radova je potrebno da se obezbijedi nadzor nad provođenjem predviđenih mjera zaštite vodotoka od unošenja bilo kakvih opasnih tečnih i drugih, materijala u korito i obale, a koje mogu izazvati zagađenje voda.
 - 4.4. Planom organizacije gradilišta koje će se formirati u funkciji provođenja navedenih aktivnosti, treba osigurati tako da mjesta za smještaj građevinske mehanizacije, tečnih goriva i maziva budu locirana izvan uticaja nivoa velikih voda i na takvoj udaljenosti da ne mogu imati negativan uticaj na eventualna izvorišta i vodotoke.
 - 4.5. Sve ukrštanja trase saobraćajnice na predmetnoj dionici sa postojećim instalacijama (vodovoda, kanalizacije, telekomunikacioni, energetski kablovi i sl.) prethodno će se rješavati uz saglasnost mjesnog nadležnog preduzeća koje će dati tehničke uslove za izvođenje ovih radova. Investitor je obavezan da izvrši potrebna izmještanja trase vodovoda, kanalizacije i drugih instalacija koje su u koliziji sa radovima koji se izvode u sklopu radova na ovoj saobraćajnici.
 - 4.6. Ukoliko se cisterne i rezervoari s gorivom planiraju postaviti na gradilištu, iste je potrebno postaviti u prihvatne posude ili izvesti s dvostrukom stjenkom prema posebnim propisima.
 - 4.7. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl..
 - 4.8. U sklopu uređenja gradilišta dati organizaciju izvođenja radova uz opis i instrukcije u slučaju pojave incidentnih situacija i način sanacije njihovih negativnih posljedica.

- 4.9. U okviru gradilišta riješiti prikupljanje i konačnu dispoziciju sanitarno - fekalnih otpadnih voda na način da se iste prikupe u vododržive posude/rezervoare i izvezu izvan zona izvođenja radova uz ugovor sa nadležnim komunalnim preduzećem.
- 4.10. Predvidjeti da se sav nastali otpad prikuplja i zbrinjava izvan vodnog dobra i površina obuhvaćenih uticajem velikih voda, a u skladu sa važećim propisima o postupanju sa otpadom.
- 4.11. Investitor je u obavezi da angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem projektovanih aktivnosti na terenu i mjera propisanih u dispozitivu ovog rješenja.
- 4.12. Korisnik saglasnosti je dužan da riješi imovinsko-pravne odnose na lokalitetu izvođenja radova, formiranja privremenih gradilišta i pristupnim putevima.
- 4.13. Ispuste oborinskih voda i propusta izvesti tako da ne ugrožavaju proticajni profil vodotoka i ne uzrokuju procese erozije na obalama i koritu.
- 4.14. Po završenim radovima u zoni vodotoka, potrebno je izvršiti ravnanje i uređenje korita, obala i pojasa u kome su vršeni radovi, tj. dovođenje kompletnog terena u prvobitno stanje.
5. Ukoliko se u toku izvođenja radova prouzrokuju štetne promjene režima voda i to prouzrokuje štete trećim licima, podnosilac zahtjeva je obavezan otkloniti nastale štete, a procijenjenu štetu nadoknaditi.
6. U slučaju vanrednih situacija, havarijskih onečišćenja i drugih sličnih okolnosti koje bi nastupile u toku izvođenja radova i ugrozile kvalitet voda, obavezno izvijestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
7. Po završetku izgradnje predmetne saobraćajnice korisnik vodne saglasnosti dužan je podnijeti zahtjev za izdavanje vodne dozvole. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20). Uz zahtjev za izdavanje vodne dozvole priložiti projekat izvedenog stanja urađen od ovlaštene projektne kuće.
8. Vodna saglasnost prestaje da važi istekom roka od dvije godine od dana njene pravosnažnosti ukoliko do tog dana nije pribavljeno odobrenje za izvođenje predmetnih radova od strane nadležnog organa i započeti radovi.
9. Ovo rješenje o vodnoj saglasnosti može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Od strane pravnog lica, JP Autoceste Federacije BiH d.o.o. Mostar, podnesen je ovoj Agenciji dana 26.08.2020. godine zahtjev broj 05-7715/20 od 17.08.2020. godine, za izdavanje vodne saglasnosti na dostavljenu projektnu dokumentaciju za izgradnju spojne saobraćajnice od naplatnog mjesta do spoja na magistralnu cestu M-17 – FAZA II: Građevinski projekat lokalne saobraćajnice – knjiga B 1011, tekstualni i grafički dio (KNJIGA I i II), novembar 2020. godine.

U provedenom postupku dostavljena je i pregledana sljedeća dokumentacija:

A. Opšta dokumentacija

- Ovjerena kopija rješenja o izmjenama podataka u sudskom registru broj Tt-O-840/18 od 15.11.2018. godine;
- Ovjerena kopija uvjerenja o poreznoj registraciji, Kantonalni porezni ured Mostar, od 07.02.2013. godine;
- Ovjerena kopija uvjerenja o dodijeljenom identifikacijskom broju, uprava za indirektno oporezivanje BiH, od 01.02.2019. godine;
- Kopija rješenja o urbanističkoj saglasnosti za izgradnju priključne saobraćajnice grada Zenica na autocestu na koridoru Vc u Donjoj Gračanici, broj: 06-23-263/16 izdatog dana 20.06.2016. godine od strane Službe za prostorno uređenje, Grada Zenica;
- Kopija rješenja o urbanističkoj saglasnosti za izgradnju priključne saobraćajnice grada Zenica na autocestu na koridoru Vc u Donjoj Gračanici, broj: 03-23-3085/17 izdatog 19.01.2018. godine od strane Službe za prostorno uređenje, Grada Zenica;
- Kopija rješenja o izmjeni rješenja o urbanističkoj saglasnosti za izgradnju priključne saobraćajnice grada Zenica na autocestu na koridoru Vc u Donjoj Gračanici, broj: 03/23-2998/19 izdatog 05.09.2019. godine od strane Službe za urbanizam, Grada Zenica;

- Kopija rješenja o prethodnoj vodnoj saglasnosti broj UP-I/25-2-40-005-3/16 od 16.03.2016. godine, izdato od strane «Agencije za vodno područje rijeke Save» Sarajevo;
- Dokaz o uplaćenju upravnoj i administrativnoj taksi.

B. Tehnička dokumentacija

- Građevinski projekat lokalne saobraćajnice – knjiga B 1011, tekstualni dio, novembar 2020. godine;
- Građevinski projekat lokalne saobraćajnice – knjiga B 1011, grafički dio, novembar 2020. godine.

Nakon izvršenog uvida u dostavljeni zahtjev i dostavljenu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

Nakon uvida u dostavljenu dokumentaciju konstatovano je sljedeće:

Podnosilac zahtjeva je za potrebe izrade projektne dokumentacije angažirao projektnu kuću „Saraj Inženjering“ d.o.o. Sarajevo, koja posjeduje ovlaštenja za izradu projektne dokumentacije, prema Pravilniku o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti («Službene novine Federacije BiH» broj 17/08).

Projektne dokumentacije je urađena u skladu sa uslovima iz Rješenja o prethodnoj vodnoj saglasnosti, izdatog od strane ovog organa, broj: UP-I/25-2-40-005-3/16 od 16.03.2016. godine na nivou glavnog projekta, te je shodno članu 114. Zakona o vodama, upisivanjem broja i stavljanjem otiska pečata ove Agencije na projektnu dokumentaciju pod nazivom:

- Građevinski projekat lokalne saobraćajnice – knjiga B 1011, tekstualni dio, novembar 2020. godine;
- Građevinski projekat lokalne saobraćajnice – knjiga B 1011, grafički dio, novembar 2020. godine.

Ovjera se odnosi na dio projektne dokumentacije (grafički i tekstualni), koji se odnosi na odvodnju spojne saobraćajnice od naplatnog mjesta do spoja na magistralnu cestu M-17, odnosno do recipijenta – Gračanička rijeka.

Projektom dokumentacijom riješena je vanjska odvodnja saobraćajnice uključujući transport voda sa uzvodnih dionica autoceste. Za transport prikupljenih voda predviđen je AB pravougaoni kanal do ispusta u Gračaničku rijeku.

Na osnovu dostavljene projektne dokumentacije, a u cilju smanjenja negativnih uticaja predmetnog objekta i aktivnosti na stanje voda i vodni režim, te omogućavanja korištenja voda i prostora vodnog dobra i prava na vode dodijeljena drugim korisnicima, podnosiocu zahtjeva su ovom vodnom saglasnošću, u tački 4. dispozitiva Rješenja, propisani uslovi u skladu sa članom 114. Zakona o vodama i članom 7. Pravilnika o sadržaju, obliku, uslovima načinu izdavanja i čuvanja vodnih akata, koje je investitor dužan ispuniti u toku gradnje.

Podnosilac zahtjeva je uplatio upravnu taksu u iznosu od 60KM u skladu sa članom 7. Stav 1. Tarifni broj 43. Zakona o federalnim upravnim taksama («Službene novine Federacije BiH» broj 6/98, 8/00, 45/10 i 43/13).

UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih.

Voditelj postupka:

Nihad Pezo, dipl.inž.građ.

**Po ovlaštenju
Rukovodilac sektora za izdavanje
vodnih akata**



Hariš Ališehović, dipl.inž.građ.

Dostaviti:

- JP Autoceste Federacije BiH, Adema Buća 20, Mostar (Prilog – ovjerena tehnička dokumentacija navedena pod tačkom B obrazloženja Rješenja)
- AVP Sava, ISV – Vodna knjiga;
- Sektor 40, arhiva
- ⊙ oglasna ploča AVP – Sava